

Assatz sai d'amor ben parlar

BEdT 389,018

Mss.: C 197, Da 182, I 146, K 132, N2 16, V 111, ? 1 = Raimbaut d'Aurenga; BgAnoya 476 = Guillem de Saint Leidier; m 2 = Peire d'Alverhne; N 257 = anonimo.

Metrica: a8 b8 a8 a8 b8 c8 d8 d8 (Frank 209:1). *Vers* di 7 *coblas unissonans* di 8 vers, seguite da una *tornada* di 3 vers e una di 2.

Edizione: Riquer 1975, p. 433.

- letto 1244 volte

Edizioni

- letto 982 volte

Riquer

I.

Assatz sai d'amor ben parlar,
ad ops dels autres amadors;
mas al mieu pro, que m'es plus car,
non sai ren dire ni comtar;
qu'a mi non val bes ni lauzors
ni mals digz ni motz avars;
mas ar sui vas amor aitaus
fis e bos e francs e liaus

II.

per qu'ensenharai ad amar
los autres bos domneyadors;
e si'n crezon mon essenhar
far lor a d'amar conquistar
tot aitan cant volran de cors!
E si oguan pendutz o ars
qui no m'en creira, qar bon laus
n'auran selhs qu'en tenran las claus!

III.

Si voletz dompnas guazanhar,
quan querretz que-us fassan honors,
si-us fan avol respos avar
vos las prenetz a menassar;
e si vos fan respos pejors
datz lor del ponh per mieg sas nars;
e si son bravas siatz braus!
Ab gran mal n'auretz gran repaus.

IV.

Ancar vos vuelh mais ensinar
ab que conquerretz las melhors:
ab mals digz et ab lag chantar
que fassatz tut, et ab vanar;
e que honretz las sordeyors.
Per lor anctas las levetz pars,
e que guardetz vostres ostaus
que non semblon gleisas ni naus.

V.

Ab aisso n'auretz pro, so-m par.
Mas ieu-m tenrai d'autras colors
per so quar no-m agrad'amar;
que ja mais no-m vuelh castiar,
que s'eron totas mas serors!
Per so lor serai fis e cars,
humils e simples e leyaus,
dous, amoros, fis e coraus.

- letto 824 volte

Tradizione Manoscritta

- letto 956 volte

Canzoniere N

- letto 590 volte

Riproduzione Fotografica

- letto 459 volte

Canzoniere m

- letto 629 volte

Riproduzione Fotografica

- letto 603 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/assatz-sai-damor-ben-parlar-0>